

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Wasz man halten vnnd antwurten soll, von der Spaltung zwischen Martin Luther vnd Andres Carolstadt

Capito, Wolfgang

Strassburg, 1524

Gnad frid und erkant

[urn:nbn:de:bsz:31-289239](https://nbn-resolving.org/urn:nbn:de:bsz:31-289239)



Nach frid vnd erkant

nüß seiner warheit / von got dem vater durch vnsern herren Jesum Christum. Groß freud vñ juchgē iez ist vnder den gotlosen lieben frummen burger vnd christen. Sy verhoffen dē sig wider die warheit. Dan Martin Luther vnd Andries Carolstat / seind der sachen vneyns. Sy sagen bey jn also

Ein yeglich reich / so es in jm selbs vneyns würt / verwüßtet / vnd ein hauß felleet vber das ander Lu. am xj. Christus ist nun in stück abteylet. Cor. j. er mag nit lenger beston / vnser Eh: vnd genieß / vom eüßern gotzdienst müß nun wider vffgericht werdē / dan wo der geist verlöschet / hat dz fleisch allen raum. Welches geschrey jr euch nit solt irren lassen. Ir wissent wē jr glaube habē / das er euch / ewerē bylag bewaren kan bis an ihenē tag. ij Tim. j. Haltē euch nurt wie jr vß der geschufft von vnß täglich hörē / dem forbild der heilsamen wort nach / vom glauben vnd von der lieb in Christo Jesu / in welchem vns verzeihung der sünd vñ gnaden geben ist / nach dem heiligen ruff vnd fürsaz gotes / vnd nit nach vnserem wircē / daruff besteen mit freyheit. Dan vnser herr Christus Jesus / ist von got dē vater gesetzt vber alles das genant werden mag. Ephe. j. vff den oben trwerden sy sich vmbkeren / vnnd doch nit ersetziget werden / wie David sagt / so jn alle hilff entzogen sein würt / so sy befinden werden / das sy zu irem verderbē / wz sy fur gut angesehen hat / gethan haben / Deu. xij. vnd das irs wegs end / die weg des tods sein Prover. xiiij. Ja dan würt / in der freud ir hertz leidhafftig sei / ir freud würt mit angstigem trüb sal beschlossen vnd geendet werden. Vnd eigentlich zu reden. sag ich / das sy izund voller trawen sei Da Zophar Naamithes die steiffe hoffnung des gerechte

Jobs / vnd die straff der bösen horte / vmbbringten in seine gedēcken vnd ein getümmel ist in im erwachsen. Diffe vnser feind / so sy vnser bestendig hoffnung / vñ frydē fur augen sehen / das wir nit den geist der welt / sunder den geist vß got entpfangen haben. j. Coynthi. ij. welcher eyn geist ist d̄ sterck / vnd allerley freydikeit im herren zū vßbawūg / so werde sy vber vns betretten / wie d̄ Jude rath Act. v. über den aposteln. Vnd haltē vns schmälich / des wir nit achten. Wir mögē wol der welt schabab / vnd der welt vñ der engel schawfalt sein / vff d̄z wir den preiß / der von got allein ist / erlangen.

¶ Zu dem gebieten sy / das wir dissen weg vnseren nechste fürter nit leerē sollē / vmb des willē doch Christus gestorbē ist / der wir doch sollen vnseren feinden wolthat beweisen. Was vnderlassen sy aber: wie vil selzam lügen haben sie vff vnser erdicht: Dem geben sie zū / er sey vnder den knechten / hürweybell gewesen. dem anderē er sey bey der magt vnd im ebruch begriffen worden. dem dritten das er gestolen hab. Izt bringē sy ein red vff / das wir alle oberkeit begeren vmbzustürzen / ize das wir eigennützig leer fürē / die doch allein iren teuffelsche handel sauberlich antastē. izund anders vnd aber anders / wie sy jr vatter der lügner vnd der lesterer vffstiftet.

¶ So alles nit helfen wil / sagen die dapfern theuren leüt / wie das wir den Euangelischen handel vnrecht handeln vnd Luther selbs schon wider vns schreibe. Dis gerücht haben sy vergangnē Summer oft erneuert / vnd jüngst abermals furgeben / das eins kurfürsten botschaft / vß Luther selbs über disch gehört hab / wie vnbillich wir faren / vnd wie truglich er vns wölle zū bodē stossen / das Luther durch ein brieff an mich widersprochen hat. Also halffterig ist die böfheit / das sy so oft in der lügen begriffen / sich

nit weyß zuschammen. Ein dieb im diebstal begriffen erschücket von hertzen vnd schampt sich / Hiere. ij. Vnd disse vnser feind / die grossen ehren dieb / sein so offte im falsch erwüschet / vnd haben noch kein abschewen. Vnser geyst würt aber darumb nit matt / wir ersitzen nit / wir steen darumb nit ab vß der warheit / weder ir liegē noch hochschöchten wir / sunder beharien im wort mit aller freydeit.

¶ Deshalb der teuffel vß den falschen bñdern anstoß vßtript / vnd bewegt etlich vnütze eytel vñ eersüchtige / das sy vff wortstreit sich kören / die allein reichen zñ vnstürzen der zuhöder gemietet / torechte fragen spiegeln sy vff / die nichts leren / sunder nur zantel geben. Ti. iij. vnd ij. Ti. ij. Ein solch raupē nest weimlet in schwaben / wie man sagt feind feind sy des kreuz Christi / vnd lassen kein hell geschrieffte vngetadelt. Sollich werck brigt allēthalb dz fleisch Gal. v. das do ist / vngechlacht / rauch haderig / biessig / vnblind / vnd voller rümsucht. So alle laster still sein fallen sy dem lesterer ins vteil / durch eher / geysz vnd stolze wort kampf / die sy / als vß ein eyser vmb der warheit / fürnemē vnd doch sich allein süchen / vnd nit der gemein nutz mit verbittertem gemiet gegen sein widerseher / so doch der eyser vmb got / nach der lieb gemässigt sein solte. Wir solle nit fürwitzig leren achten / die da bey erkant werden / wan sy meh: fragen vßbringen / dan besserūg in got am glaubē j. Timo. j. Vßs gebot des herrē sollen wir ganz achten / des die haubtsum ist / lieb von reynem hertzen vnd gutem gewissen / vnd von vngeferbtem glaubē. Was do hin nit reichet / süret ab zñ vnützem geschweyz.

¶ Wo aber vnder dem schein der lieb / wir verkündūg des heyls vnderliessent / were es vnordenlich / vnd gleich ein nerischen vatter / der sein kind ein scharpf messer in die hend nemen ließ / vff das es nit weynet. Das in notwen
2 iij

diger leer von vns bißhat fürkmen ist. Die getrawen die
ner in wort haben angrißen die jrung gewalttlich / vff
den glauben getrungen / die gnad gottes großgemacht /
vnsern verdienst geringert / was sünd vnd gerechtikeit sey
angezeigt / den falschen gots dienst zu ruck triben / mit hel
ler schrifft / durch vilfaltig vnd emsig predigen / die offent
liche ergerniß vohin vß dem hertzen geryssen / durch dz
wort / darnach mit sigen vnd aller stille eufferlich abgethā
mit der that. Dan mit dem geyst seins munds wil der herz
den sün d verderbnuß / vñ nit mit der hand vmbingen. ij.
Thess. ij. Gott hat auch gnad vñ sürgäg vluhe mit aller stil
vñ rüg dz vnderscheid d tag vñ speiß ist hinweg als Bābß
lich seyren / fasten beichten / zum Sacrament geen / ja aller
eigenwilliger gots dienst verlöschet bey vns. Das wachs
pennen / geweiht saltz vñ wasser nemē / vigilien / messen
vnd die siben zeit hören / jargezeit / selen gerecht / wallfart /
Römisch gnad vñ ablos geet alles zu poden / on mercklich
Bewegung. Das mit poldern kein gewalt vermöcht hetze.
Es hat ein Ersamer Khat mit dapferkeit die tempel vnd
gözen geraumpt / vil ampellen vnd ewigeliichter aufge
leschen / vnd wurt mit gleicher linde / so bald got gnad vs
lühet weiters faren vnd alle gözen abthun.

¶ Warumb solt man aber hineyn rauschen vnd ehe handt
anlegen / weder das wort getriben were. Im hertzen thun
die gözen am größten schaden. Dan welche das wort ge
hört / wissen das der göz nichts in der welt sey .j. Cor. viij
vnd bringe in kein anstoß. Lassen die bildnüss ein güt cre
atur gottes sein. Welche das wort noch nit gehört haben
werden durch hinnehmung der gözen vor der predig nur
verbittert / vnd an den kopff gestossen / das sy bester weni
ger hymnach der warheit oren geben wurden. Den glaubē
gibt doch got durchs gehört wort / vnd nit durch vplütza
lich hinnehmung der gözen. Auch geschā also grosser schad

on hoffnung einiger frucht. Dan was istes das etlich göze
vngestym abgerissen weren von den wenden / da sy dem
glaubigen nit schaden / vnd dem vnglaubigen alle ding
schaden / aber im herzen / da sy allen glauben auffschliesse
noch verlossen werden.

¶ Paulus hat zu Achen kein gözen hinweggenummen /
kein hand überall angeleit. Aber von warer gottes ehr /
wider die gözen geprediget / vnd als sy soliche leer nit an-
genummen / ist er abgescheyden vnd kein gözen mit dem
finger angerürt. Dan all vnser handlung fürnemlich von
innen im herzen anfohen vnd heruß fließen soll / nit von
außen hinein getriben werden. Vnd wollen darumb / wie
etlich vns zumessen die gözen nit vertedigen / sunder den
blöden dienen / vnd mit der zeyt nützlich fürnemen / das
in der eyl sunst zu schaden reichen wurde. Also ist vnser
handlung nach der lieb reguliert / vnd hat furgang / so wir
sunst mit vngeschicktem schnurien / die süsse der lieb ver-
bittert / vnd nichts geschafft hetten.

¶ Den weg will got / werden wir geen / ob schon ein engel
von himmel / da wider vns treiben wolte / vnd emsig eys-
fern vmb die ehr gottes / daneben chrislicher lieb / vnd vn-
ser pflicht gegen der zeytlichen Oberkeyt nit vergessen /
der widerchust vnd die gotshässer sollen kein ruw für vns
haben / vnd die gutherzigen wollen wir schön vnd seu-
berlich handeln / ob es gleich allen teuffelen leid were / die
durch zuthun vnser feind mit aller geschwindigkeit / kein hi-
dernuß thun mögen / ob sy vns gleich wol in sorgen führen /
vnd machen das wir dester ernstlicher zu got sehnen vnd
ruffen müssen. das helff vns got Amen. Vnd mag sein dz
wir etwan fürweden die schwachheit der gemein / so es vns-
ser schwachheit ist. Dan das wir den ernst vnd des geists
lebhaftig treiben noch nit vollkommen haben. darumb so

bitten wir alweg vmb mehning der gnaden vñ erwarten
denacht die würckung des der alles in allen dingē würcet.

¶ Laßt eüch nit erschrecken lieben fründ/vertrawen got
durch Chriſtū/nyemāt mag vch vß seiner hand abreißen.
Joan.v. Seindt nit mehr kinder.laffen vch nit vmbherwe-
gen/vnd umbwehen von allerley wind der leeren/durch
schalechheit der mensche vñ teüscherey/da mit sie vns gern
erschlichen /zu verführen. Eph. iij. Das wort gotz ist krefft-
tiger/vnser grundt weicht nit/Wo wir daruff besteen plei-
ben/vnd vßerhalb dem wort gotz wellen wir mit wissen/
eüch nichts anzeigen.

¶ Die weil aber ferlicheit von den falschen brüderē nit
die geringst ist. ij. Co. xj. vñ sich die selbige yez zutreit. Auch
die weil das vffthē möchten/die vileicht eytel Ehr̄ ge-
tig seyn/vnd sich vnderinander entrüsten vnd hassen/wie
zū den zeiten Pauli bey den Galatern. Gal. vj. Deren etlich
mit der geschufft scherzen werden/vñ yerer süchtigen bes-
gürden da mit jenen. Die leider wenig achten/was anstos
sie pringen/was sorgen ängsten vñ trübsalen den gütwil-
lige gewissen sy insüre. Auch dy weil/das zwischē Martin
Luther/durch den got biß hār/vñ nach/sein Ehr̄ wunder-
barlich fündert/vnd sein wort offenbart/vnd Andries Ca-
rolstat den wir auch für ein gelertē gehülffē im wort/noch
gern halten wöllen/durch den lesterer etwas zanccks erhas-
ben/hab ich dissen trost vnd beriecht/in der eyl vch wöllē
zuschreiben. Dan gleich jr alle vmb seiner zukunfft willen/
bewegt vnd vnrübig sein sollen/wie mich anlangt. vnd
sag. Zumersten.

¶ Unser glaub soll nit hangen an menschlichem tag/sun-
der bloß steen vff dem wort gottes vñ seiner verheißung/
desßhalb die geschufft den vermaledeyet/der in ein mēsch

en vertrawet / der fleysch vor sein arm scherzet **Zie. 17. Ma**
 soll alle menschen für menschen haben / vnd von niemant
 weiters verhoffen / vff das vnser hoffnung allein an gott
 hange. Die erfahrung leret vns auch teglich / wie eitel / vn-
 gewiß / falsch vnd lügenhafftig die menschlich natur ist /
 das vns reichet zu übung vnser syñ. Wo zeitlich hoffnüg
 vffhöret / do hebt die götlich an. Zu dem fürdern trüb saln
 dan wir sehen wie der heri / das volck vñ Israhel / vierzig
 jar in der wüste geleitet hat / vff das er sy demütiget vnd
 versücht / das kundt würde / was in jren hertzen were / ob
 sy sein gebot gehalten hettē. **Deu. viij.** Also wurt vnser syñ
 durch sollich anstoß geübt zum vnterscheid des güten vnd
 bösen / vñ gewonet von allen creaturen sich vff gott alleyn
 zülenden / der allein vnser gott sein soll. Sunst würde / dem
 götlich eh: zu gemessen / den wir / so warhafftig vnd ge-
 wiß hielten / das er nitt irren möchte / so doch alle menschs
 en lügenhafftig sein. Vil verwenen sich / das sy vff gott
 verhoffen / aber von schlechter ansechtung oder menschs
 lichē sāl irer vorsteer fallen sy / dan jr grundt vff eins mēsch
 en glauben / vnd ansehen gesetzt gewesen ist. Wan der selb
 big felt / so felt es alles nach / wie grossen schein vnd falsch
 sicherheit sy gehebt haben. Got wil vns hie außburzen /
 vnd biß zum waren grundt vff sein gewisses wort bungen
 der lufft sandt müß hinweg geraumbt werden durch wid-
 derwertikeit / dero halben dan vns got etwan schwerlich
 fallen laßt vff das wir gewarsamer vffsteen / vñ erkennen
 das der preiß sein allein sey.

44440
 88880
 77760
 2
 2

¶ Nun sein wir von natur geneigt / das ein grosser sāl ist /
 vmb götlich gaben / den mensche zu preisen / so wir doch
 in solchen gaben got allein loben solten. welches vil schas
 den bringet. Deshalb die apostel Barnabas vnd Paulus /
 als sy für götter vffgeworffen wurden / in Lystra / dapfer
 widerstanden sein / vnd haben die Eh: vff got gewendet

3

Acto. xiiij. Ja Paulus enthaltet sich auch die warheit vñ
seinen gaben zu rümen / vñ das nicht yemāt in höher achte
tet / dan er an jm sehe / oder von jm höret ij. Cor. xij. Vñ dis
weiß verwarnt Luther männlich / das man das Quā-
gelion mit seinem namen nit beschmeisse / vñ laste jm mis-
fallen / das etlich auß seim namen secten mache n wollen /
vñ sich Lutherisch nennen / dan er nichts durch sich lere /
sunder inhalt der geschrifft zeig er an / die er wol besser vñ
geschickter handelt / meiner achtung nach / weder in etlich
hundert jaren von kein noch nye beschehē ist / so natürlich
so satt vñ dapfer / auß dem grundt vñ der warheit han-
delt er sy gemeinlich. Damit ich doch niemāt in seim vñteil
will gestrafft haben / noch an seiner achtung geringert. Da-
rauß folget / das etlich zu vil in jm setzen möchten / vñ mer-
den Luther verwundern / dan gott selbs / von dem soliche
gaben herkhumen / vñ der chrislichen gemein zu güt ge-
ben sein. Welche wohn got vñ vns nipt / vñ zeigt vns an
das wir noch nit satt glauben / die vmb infallender zank-
reden / vñ zweigung willen / abweichen / oder Kleinmütig
bey vns selbs werde. Es fall gleich wer nit endlich beruff-
en ist / im namen gottes / vns gebürt nichts desterweni-
ger / ins gebot vñ wort gottes zusehen / vñ dem als dem
gewissen / on wancken anzuhängen.

¶ Es laufft in dissem handel / vil vngerattens mit ein / do-
durch will etlich leyen got der heri berichten vñ zu verstou-
geben / wie gederlich es ist / höhers von menschen zu hal-
ten / wan die geschrifft befielhet / vñ gibt euch zu greiff-
en das etwas sāl bey allen menschen gefunden würt / vñ
das die Eh: got allein pleibe. Doch lieben fründ / sollen je
nit auß hñz einigen teyl vñteilen. Bedencken das Paulus
vñ Barnabas sich auch gezweiet haben / vñ seind doch
alle beide zwē redlich Apostel gewesen. Wie wol das trutz-
lich schumpieren böse anzeig vñ im tregt. Vns ist nit bes-

folhen die personen zu vtheilen/ aber die leer nach der sats
ten geschuiff zu büßen. Das fundamēt bestee nach. Gott
kennet die seinen.

¶ Das aber d̄ gotlos hauff/ so gewis izūd verhoffen wil
vndergang des Euangelions/ sollen jr euch mit beschwe
ren lassen/wie jr vnärtig leben/die frummē etwan beuilet
het vnd beschwert Abat. j. Dan ir bey euch oft erfahren/dz
der Prophet warhafftig spricht/der gotlosen hoffnüg ver
dirbt. Vnd weyter/die freud des heuchlers ist augenblick
lich Job. xx. endet sich mit leyde Pro. xiiij. Bis her/vs got
tes gnaden/sein alle ir anschleg wider sy/zū fürderüg des
worts aufgangē/on vnseren schaden/das wöllen wir für
ter auch verhoffen. Dan vns mag niemant schaden thūn
wir sterben oder leben so seind wir des herren.

¶ Zum anderen/will auch nit von vnnöten sein/das ewer
liebe/des handels gemeynen beriecht hab. Dan gewon
lich vorgende forcht/ schwerer ist/dā die gegēwertig gese
licheit. Auch will sich gebürē/das yr den halffstarigen/dz
maul verstopfen/vnd mit warer antwurt begegnē mügen

¶ Vnd sag/dz in nachgenden puncten/ kein misuerstant
sein mag dar in die sum vnser selikeit steet. Gott hatt alle
ding vnder die sünd beschlossen/das er sich über jedermā
erbarmet. Gal. iij.

Auf gnaden sein wir selig worden/durch den glauben an
Christum Jesum/vnd das selb nit auß vns. Es ist gottes
gabe/nit auß den wercken/vff das sich nit yemants rüme
Ephē. ij.

¶ Sytemal wir auß der gnadē vnd nit auß vnsern werckē
selig werden/vnd die Bapstlich kirch durch vil leiplicher
übung die selikeit süchte. Volget das sy mit allen iren eis

B ij

gen willigen gottes dienst vnd ordnügen / als Mess / Vigili
en / horas singen / lesen / pfeiffen / pfaffen / kirchen saltz vnd
anders weihen / für die selen bitten / anruffen die abgestor
benen heiligen / bildnüß ehren / beichten / gnügthun für dy
sünd / vnderscheidē zeit / speys vnd stat / vnd mit anderen
vffsetzen wider Christum ist / vnd gott den herien entehret
Math. xv.

¶ Aber hie ist etwas kleiner vnderscheid / wir begerē durch
das wort alle mispreiuch / vnd vnrechten gogdinst / auß d
menschen hertzen erslich zū bringē / vñ dan eufferlich auch
ab zū stellen / da wider etlich vnser versaumnüß vnd trege
hand straffen / vnd wöllen das alle disse ergernüßen / mit
der hand zū vor hingenommen werden / Vnd das man dē
faulen hauffen nit so lang raum gebe. Trem freuel noch /
die selen so vnuerholen zū verführen / vñ got zū lesteren.

¶ Nun frewē euch lieben gözē knecht / dan vns / den Euā
gelischen vnd gotgleübigen / ist zū werck geschmitten / wir
selbs haben schwer gegen hendler / die auß der geschüfft
wider vns streitten / helffen vñ ratten / das keyn frid
vnder vns sey. Es ist not / kunst würdt vnser fürnemē nit
ab getriben. Dan besteen wir / die allein durchs frey wort
wider euch handeln / so müssen ewre hochtragende helfs
mit der zeit dem joch Christi entweichen vnd stat geben /
werden wir abgetriben vnd behaubtet vnser gegensecher
so müssen jr eins in als gestürmet vud überstürzet werden
Da ist kein mittelf. Zū beiden teilen vnser eyfer vmb gott /
wurt nit ablassen / darumb jr kein gewinnes haben. Danit
wir entlich da hin beide theil tringen / das jr gotlosen nit
mehr sein. Welches gott bald verschaffen wölle. Amen

¶ Der Mess halben / sein wir auch eins / mit der hellen war
heit / wid euch gözē kremer / das die Mess kein opfer ist / dz

sy nie soll in frembder sprach gehalten werden / das sy nie
soll die vnnützen schädlichen züferz haben / das alle mess-
stiftungē vñ alle pffaffen messen wider gott sein. Da sare
beide wid eüch / wir mit fugē auß dem wort / sehne begertē
eüch gefellen eins mals das hantwerck nider zulegen. Als
wol gut vnd nutz were / das es bald gar nidergelegt würd.

¶ Deshalb wir den namen / mess / meiden / vnd pflegen es
zūheissen des herin nachmal. Dan mess heist opfer in der
Hebraischen jungen / vff das der nam ewer gewerb nit vn-
derstüze. Doch so es yemants vmbß gebrauchß willen /
vnd auß gewonheit / on vffsatz mess nennet / können wir
den selben nit straffen. Dan am namen nichts gelegen ist
das hertz vnd gemiet ist anzusehen.

¶ Das brot vnd wein haben wir vnzhar vffgehoben / vñ
wissendännocht das das opffer so im gesatz genat ist Tu-
ma vñ Tnupha vffgehoben wart. Damit aber sollchs nit
für ein opferung von yemant angesehen würde / habē wir
euch täglich auß der Epistelen zum Römern ermanet was
wir opfferen sollē. Nemlich vnser leib zum opffer das do le-
bendig heilig / vnd got wolgefellig ist. Welches ist der ver-
nünfftig gotz dienst. Ro. xij.

¶ Wir haben noch messgewant / alben / den kelch / steen ge-
gen dem altar / vnd desgleichen gemein bösenwerck / das
ob got will / nit lang weren soll. Doch wöltē wir insolichē
dingen / nit gern die blöden bemiegen / noch einer zeitlichē
oberkeit zūwider handlē / die vns vō got geben ist / vñ die
gottes ehr durch Friden / on verwürung des gemeinē nutz
auch süchet. Warüb wolten wir vmb der eüßerlichen klei-
dung willen vnserem brüder ein anstoß geben / vñ welchē
es willen Christus gestorben ist. Wie wol wir leiden möch-
ten / das es schon geendert were / aber mit sügen vñ ordens
B iij

lich/als dan alle ding von vns bescheen sollen. Da würd vnser vffhebung auch fallen/die also dem opffer von gott zu geeygnet ist/das doch darüb nit ein yedes ding/ein opfer sey/so in ander meinung dan zu opfern vffgehabe wirt Wider ein protestation handeln/bringt im rechten schadē aber wir bezeügen vns/das wir nit opfferen wollen/vnd opferen auch nit/sunder treiben allein das gewon geprieg der schwachen zu verschonen.

¶ Von welcher lindikeit wir nit bald weichen werden/sunder sitfam nach dem forbild Pauli sarhe/das wir auch mit schuffelichen vsachen/wo von nöten sein würt/erhalten mögen/mit frünlich handeln/vñ emsigē treibē des wortz ist in ein jar etwas fürderung der eh: gottes hie zu Strassburg gescheen/das mit ein freuel vnd mit der handt/ein schlechtergewalt nymer erhalten hette. Wir sollen got bitten das wir in rüw vnd fryden vnd aller stille im dienen mögen/vnnd solten selbs in ein gemeinen nutz vfffürig sein/das verbiete vns got/dahin soll vns niemant vermögen. Wollen doch deshalb mit niemant streitten/der eyner anderen meinung ist. Türt das ein yeder seins syns gewiß sey/vnn d wir vndereinander das band brüderlicher lieb erhalten.

¶ Die wort des herē nachtmals/in Matheo/Marco/Luca vnd Paulo/gesteen beide teil war sein/wohin aber das wortlein (das) zesihen sey/vff den leib oder das biot/do ist ein misuerstande.

¶ Aber lieben fründ nemē des haubtstucks war/des glaubens vñ der liebe/vñ bedencken das der Christ inwendig/vnd vnsichtbar ist/vnd das er gar an kein eüsserlich ding es sey zeichen oder anders/gebunden ist. Vnd bedencken geprauch des herren nachtmals/nämlich die betrachtung

vnd gedechtnuß Christi/zur erfrischung vnser hoffnung/
durch die wir in got sampt allē gleubigen in Christo verey
nigt sein. Das ist die vsach/warumb der her/solich nacht
mal fürgeben hat. Weyters zū so: sachen ist überflüssig. Der
to:rechtē fragen sollen wir vns entschlagē etc. Vnsern glau
ben sollen wir mit des herien Brot vnd wein/durch die ge
dehtnüss seins leibs vnd blüts allein speissen/vñ das üb
rig farn lassen. Wurt etwas weyters von notē sein /so lass
en eüchs got offenbaren Phil. iij.

¶ Vom tauffwollen etlich /vnnötige fragen vffbringen/
die wider vns nit wichtig sein mögē Sytemal vnser thün
in heller geschuift gegründet ist/da wider kein gotgleubi
ger zweyffeln kan. Wir haben gelert/das die in den herien
Jesum getaufft sein/die sein eingeleibt sein tod/vñ durch
den tauff mit im gestorben vnd begraben/vñ in seiner vff
ersteung züm newen leben vfferstanden. Deshalb ist ge
prauch des tauffs in dem/das wir dem alten Adam stetig
lich absterben/welches sterben weren soll/so lang dieses le
ben weret.

¶ Vnd züm tauff/gehört nurt wasser/vnd disse wort. Ich
tauff dich im namen des vatters vñ des süns etc. Das an
der alles sein zūsatz/von altē/zū zierlig des tauffs inbrocht
Wir vnderlassen den Chisem vnd das öl/wo leut kömē
die es leidē mögē. Dā solich ding/zū vil groß ansehē habē
vnd bey vns/die gnad des tauffs verdunkeln. Man acht
et höher den Chisam vnd das öl/so der weybischhoff mit
seinen weidspüchen Bezaubert hatt/weder des schlechten
wassers/das gott durch sein wort gesegnet hatt. Dar auß
auch gefolget/das d vnuerstendig hauff die schwachen kin
der noch ein mol in der kirchen taufft/die on Chisam vnd
öl/im hauff von den weibern zū vor getaufft sein Wan es
gelegenhait vnd die zeit erfordern wurt/als wir in kurzent

B iij

verhoffen/wöllen wir näher vff das wort tringe/vñ den
gäzen vorhack/vff chrißlich weiß bessern. Jzt treibe wir
allein dē geprauch vnd übüg des tauffs/daruff die haubts
sum bestee. Wir befragen vns nit/vff welche zeit vñ was
alters man die kind tauffen soll/sytemal gott sein gnad vñ
gabē übernatürlich verleihet/vnd der herz dē gichtpüch
igen vff den glauben der die in trugen/gesundt gemacht
hatt. Wo wir kein hell wort haben/vnderlassen wir zū for
schen/so etwas weiters von nöten ist wurt es got wol off
enbaren.

¶ Das etlich aber eufferlich ding hochmachen/vnd ernst
lich außrieffen/ist zū achten für ein getrawe fürsorg/dan sy
vilicht bedencken/was jrung gefolget/vnd folgen möge.
Welche sy gern verhüten wolten. Sy wissen/das die böß
hafftig synagog/die Bapstlich kirch/vff eufferlich ding
geparwen ist/die sy/für notwendig stuck zur seligkeit fürge
ben. da durch aller glaub außgeleschen wurt.

¶ Erwan aber kumpt man über euffern dinge in ein wort
streit/das auß menschlicher bewegung erweckst. Dan die
eiferiger rümsucht/vilen seer trang thüt. Des halb wir ver
warnet sein sollen/vff das wir vns zwytracht vñ euffern
dingen nichts bewegen lassen/ob sy schon höhberümpfte
männer wiechtig mächten/dan sy dem glauben nit schaa
den vnd kein anstoß bingen mögen/wo man vff Chrißtu
erbawen ist. Ein anzeig ist es/das disser nit recht Chrißtu
hab/der betriebe vnd ängstig wurt/so er hört/das die ge
lerten von sacramenten/bildnüssen/vnnd andern euffern
dingen sich befragen. Dan se das reich gottes inwändig ist
vnd gnüg sam hell vnd klar in der geschriff angezeigt. das
gemeinē verstant nit mag verborgen sein. Wo zū/vil küßt
vnd übung gehört/da ist nichts/das zur seligkeit eigentlich
gehört.

¶ Summa summarum lieben frummen Burger/Besto vff Christo
den vns durch helle geschufft/gott der herz allein angezei
get hat/vnd was weiters der gelerten geiz vñ rümsücht
vfftribt/das lossen saren/vnd sy gleich groß künstler sein.
Vnser heyl steet nit in worten/sunder in der krafft gottes.
Es muß doch ergernuß komen.dan also müssen so bewert
sein vnder vns offenbar werden.Wee aber dem menschen
durch den ergernuß kompt.

Last euch auch nit beschwerē/8 goetlose hochmüt vñ stolz
ieren. Sy strewen sich in bösen dingen. Wir sollen nurr läg
mütig sein so werden wir sehen /das die feind der warheit
schamrot werden/so vnser hoffnung nymer zū schanden
würt. Got gebe euch in seiner erkantnuß on anstoß für zū
saren. Amen

Faint, illegible text, likely bleed-through from the reverse side of the page.

